

ҚРҰБ Төрағасы Е.А. Досаевтың
«2020 – 2024 жылдарға арналған Қазақстан Республикасының
әлеуметтік-экономикалық даму болжамын және
2020 – 2022 жылдарға арналған
республикалық бюджетті нақтылау туралы»
ҚР Үкіметі отырысындағы баяндамасы
Нұр-Сұлтан қ., 2020 жылғы 13 қазан

Құрметті Асқар Ұзақбайұлы!

Құрметті әріптестер!

1. 2020 жылға арналған ішкі жалпы өнімнің (ІЖӨ) нақтыланған **болжамы** Ұлттық Банктің бағалауларына сәйкес келеді. Нақты динамика мен қалыптасқан сыртқы факторларды ескере отырып, біз болжамымызды ағымдағы жылғы қыркүйекте жария еттік, оған сәйкес ІЖӨ-нің 2020 жылы төмендеуі **2,0-2,3%-тік** деңгейде күтіледі.

ІЖӨ бойынша жаңартылған деректердің негізінде **ақша-кредит саясаты мен төлем балансы көрсеткішінің болжамы** жаңартылды.

2. Жылдық инфляция 2020 жылдың соңына дейін **8,0%-ке** дейін жеделдейді. Ол азық-түлік өніміне бағаның жоғары өсуінің сақталуы, айырбастау бағамының баға белгілеу процестеріне ауысуы нәтижесінде және ақылы қызметтер инфляциясының шамалы жылдамдауы аясында орын алады.

2020 жылы **депозиттердің өсу болжамы 1,8%-тен** валюталық депозиттерді қайта бағалау әсерін және олардың теңгелік салымдарға ауысуын ескере отырып, **8,7%-ке дейін** нақтыланды.

Депозиттер болжамын қарай қайта қарауды ескере отырып, 2020 жылы **ақша массасының өсу болжамы 4,7%-тен 10,8%-ке** дейін нақтыланды.

2020 жылға арналған **кредиттердің өсу болжамы** ағымдағы жылдың басынан бастап байқалып отырған өсуді ескере отырып, **0,5%-тен 2,4%-ке** нақтыланды.

3. Төлем балансы

Ағымдағы жылғы 1-жартыжылдықта төлем балансының **ағымдағы шоты** тікелей инвесторларға төлеуге арналған кірістердің төмендеуі (40%-ке) есебінен **1,7 млрд АҚШ доллары** мөлшерінде профицитпен қалыптасты.

2020 жылдың қорытындысы бойынша **(-)4,2 млрд АҚШ доллары** (ІЖӨ-ден **-2,5%**) мөлшерінде ағымдағы шот дефициті күтіледі.

Тауар экспорты 45,5 млрд АҚШ долларына дейін **21,7%-ке** қысқарады. Қысқаруға мұнай мен металл бағасының төмендеуі, сондай-ақ ОПЕС+ мәмілесінің талаптарын сақтауға байланысты мұнай өндіру көлемінің қысқаруы ықпал етеді. Бұл ретте экспорттың төмендеуі шикізат секторында жұмыс істейтін шетелдік тікелей инвесторларға төленуге тиіс кірістің қысқаруымен ішінара өтеледі.

Тауар **импорты** экспортпен салыстырғанда **(-15,5%-ке)** қысқарып, **33,8 млрд АҚШ долларын** құрайды. Бұл Covid-19 таралуы салдарынан халық пен бизнестің төлем жасау сұранысының төмендеуіне, сондай-ақ мұнайгаз секторында

инвестициялық жобаларды іске асыру қарқынының жоспарлы түрде төмендеуімен байланысты.

Төлем балансының ағымдағы шоты жағдайының бұдан былайғы динамикасы шикізат нарықтарындағы жағдайға, кейінге қалдырылған сұранысқа және 2020 жылы «тоқтаудан» кейін инвестициялық жобаларды іске асыруды жеделдетуге байланысты айқындалады.

Назарларыңызға рақмет!